

Vischnaunca da Breil

# Reglament per la societad da nuorsas

---

Art.	1	Cumissiu d'alp	4
	2	Pasculaziun	4
	3	Cumposiziun	4
	4	Elecziun, durata d'uffeci	4
	5	Quen	4
	6	Collaboraziun cun cumissiu d'alp	5
	7	Claus e cuosts	5
	8	Bogn	5
	9	Dispettas	5
	10	Recuors	5
	11	Regulativ da pasculaziun	5
		a) Administraziun	
		b) Nurser	
		c) Claus da bogn	
		d) Lavur dalla cumissiu	
		e) Bonificaziun	
	12	Approbaziun	7

Tuttas alps e categorias da tiers da casa han sezzas d'esser responsablas per il menaschi, ferton che la survigilonza suprema dil fatg dalla vischnaunca che cumpeggia alps, uauls, pastiras e baghetgs ei caussa dalla suprastonza communal tenor vertenta constituziun.

Il pensum e las cumpetenzas dalla cumissiun d'alp lai descriver sco suonda:

**Art. 1**

Cumissiun d'alp La societad da nuorsas ni ils possessurs da nuorsas elegian la cumissiun d'alp.

**Art. 2**

Pasculaziun La societad da nuorsas, representada mintgamai entras la cumissiun d'alp, ei sezza responsbla per il menschi da pasculaziun, aschinavon che la muntanera fa diever dil gudiment da pastiras dalla vischnaunca.

**Art. 3**

Cumposiziun La cumissiun d'alp consista ord 3 commembers. Mintga commember da tala cumissiun ha in'atgna funcziun e responsabladad. Las treis funcziuns vegnan partidas si sco suonda:

- a) administraziun
- b) nurser
- c) claus e bogn.

Il parter las treis funcziuns ei caussa dils elegi.

**Art. 4**

Elecziun, durata d'uffeci Mintga abdicaziun sto vegnir fatga entochen il davos da fevrer digl onn d'elecziuns.

La cumissiun entira vegn elegida dalla radunonza generala per mintgamai 3 onns e passa en vigur cugl 01 d'october digl onn current.

**Art. 5**

Quen Avon che quei quen vegn tagliaus sils pursanavels ei tal da reve-der ensemen cun il gerau che ha il departament d'agricultura.

**Art. 6**

La cumissiun d'alp duei collaborar cun ils cautebias e responsab-els per ils tiers da casa, vaccas, vadias, ils quals sesprovan d'haver in bien gudiment e quitaun dallas pastiras. Tier damondas che pertuccan il modus e termin da gudiment da pastira da casa ei il gerau da consultar avon che prender conclus. La survigilonza suprema stat era en quei cass al gerau d'agricultura respectiv su-prastonza communal.

Collaboraziun  
cun cumissiun  
d'alp

**Art. 7**

Convegientschas pertuccont claus en las alps ein da prender denter la cumissiun d'alp da nuorsas cun igl ugau d'alp. Ils cuosts per ils claus da nuorsas che vegnan fatgs en las alps ein da sur-prender entras l'alp che gauda quei onn la cultivaziun, aschina-von che las nuorsas gaudan pastiras d'alp ston ellas era vegnir stavladas ell'alp.

Claus e cuosts

**Art. 8**

Il far bogn encunter la malsogna dalla launa ed organisar tal ei caussa dil gerau en uffeci en collaboraziun cun la cumissiun d'alp da nuorsas. Ils responsabels ston comunicar a temps il datum da quell'acziun sanitara a tuts possessurs da nuorsas en vi-schnaunca.

Bogn

**Art. 9**

En cass da differenza e dispetta denter cumissiun d'alp, cautebia e gerau decida la suprastonza communal.

Dispettas

**Art. 10**

Decisiuns e disposiziuns dalla suprastonza communal san ve-gnir contestadas enteifer 10 dis suenter la comunicaziun en scret al cussegl da vischnaunca.

Recuors

**Art. 11**

Tier decisiuns, disposiziuns e midadas da termins pertuccont il gudiment dallas pastiras ein il regulativ da pasculaziun e frieta-zion dalla fracziun Breil-vitg e la constituziun e regulativ dil vischi-nadi da Breil-vitg da consultar.

Regulativ da  
pasculaziun

**a) Administraziun**

Administraziun Il responsabel per l'administraziun fa tuttas caussas administrativas, assicuranzas, fa giu tuttas caussas cun l'administraziun communalala, pren si il diember dallas nuorsas per la cargada e tier la scargada sco era igl atun fa il quen e reparta tal, paga il nurser.

**b) Nurser**

Nurser Il responsabel per il nurser ei responsabels per tuttas caussas en connex cun il nurser. El muossa ad el las pastiras, di nua ch'el ha dad ir cun las nuorsas, nua ch'ei vegn fatg claus en cunvegnientscha cun ils ulteriurs gudiders dallas pastiras da casa e dat agid ad el nua ch'ei fa basegns. Medemamein eis el responsabels per la cargada, midada Frisal-Lembra ed anavos e la scargada. El ha dad haver quitau dil nurser era quei temps ch'el ei ad alp. El ei obligaus da far visetas en l'alp e mirar che tut seigi en uorden. Sa el buca far quei sez, sche decida la cumissiun tgi che va.

**c) Claus dil bogn**

Claus dil bogn Il responsabel pil claus dil bogn fa tutta lavur en connex cun il claus dil bogn. El ha da mirar ch'il claus vegni fatgs si la primavera, ha da dar agid tier il far bogn a peis sco era tier il bogn encunter la malsogna dalla launa. El mira ch'il claus seigi en uorden avon la cargada e scargada, parta en il claus per la punctaziun, fa giu e metta naven il claus sigl atun.

**d) Lavur che l'entira cumissiun decida ensemen**

Lavur dalla cumissiun L'entira cumissiun ensemen pladescha il nurser e metta avon tal als possessurs, fa giu la paga dil nurser e mira per sut tetg pil pastur, decida cu cargar e scargar, en cunvegnientscha cun il gerau d'agricultura, va atras il quen alla fin digl onn e sesa ensemen per decider caussas extraordinariars.

**Bonificaziun**

Bonificaziun L'administraziun vegn bonificada cun ina pauschala da frs. 300.–. Ils responsabels per il nurser e claus dil bogn vegnan indemnissai cun frs. 10.– per ura.

Breil, ils 28 da mars 1991

**La cumissiun d'alp**

Approbau dalla seduta da suprastanza communalala dils 27 da mars 1991, protocol nr. 17, tractanda nr. 244. Approbaziun

Approbau dalla societad da nuorsas a caschun dalla seduta digl 01 da zercladur 1991.

Il president dalla suprastanza da nuorsas: *Taddeus Cathomas*

Il president dalla cumissiun pil reglament: *Pieder Seiler*